

וַיִּקְהַל מֹשֶׁה אֶת-כָּל-עַדְת בְּנֵי יִשְׂרָאֵל וַיֹּאמֶר אֲלֵהֶם  
אֵלֶּה הַדְּבָרִים אֲשֶׁר-צִוָּה יְהוָה לַעֲשׂוֹת אֵתֶם: שֵׁשֶׁת יָמִים  
תַּעֲשֶׂה מְלֶאכֶה וּבַיּוֹם הַשְּׁבִיעִי יִהְיֶה לָכֶם קֹדֶשׁ שַׁבַּת  
שַׁבְּתוֹן לַיהוָה כֹּל-הָעֲשִׂיָּה בּוֹ מְלֶאכֶה יוּמָת: לֹא-תַבְעֲרוּ  
אֵשׁ בְּכָל מִשְׁבְּתֵיכֶם בַּיּוֹם הַשַּׁבָּת:

וַיֹּאמֶר מֹשֶׁה אֶל-כָּל-עַדְת בְּנֵי-יִשְׂרָאֵל לֵאמֹר זֶה הַדְּבָר  
אֲשֶׁר-צִוָּה יְהוָה לֵאמֹר: קָחוּ מֵאֲתֹכֶם תְּרוּמָה לַיהוָה כֹּל  
נָדִיב לְבָבוֹ יְבִיֵּאֵה אֵת תְּרוּמַת יְהוָה זָהָב וְכֶסֶף  
וְנַחֲשֵׁת: וְתַכְלֵת וְאַרְגָּמָן וְתוֹלַעַת שָׁנִי וְשֵׁשׁ וְעִזִּים:

וְעֹרֹת אֵילִם מְאֹדָּמִים וְעֹרֹת תְּחָשִׁים וְעִצֵּי שִׁטִּים: וְשֶׁמֶן  
לְמָאֹר וּבִשְׁמִים לְשֶׁמֶן הַמְּשֻׁחָה וְלִקְטֹרֶת  
הַסַּמִּים: וְאַבְנֵי-שֹׁהַם וְאַבְנֵי מְלֵאִים לְאַפּוֹד וְלַחֲשֹׁן:

וְכָל־חַכְמֵי־לֵב בְּכֶם יִבְאוּ וַיַּעֲשׂוּ אֵת כָּל־אֲשֶׁר צִוָּה יְהוָה׃  
יֵא אֶת־הַמִּשְׁכָּן אֶת־אֹהֶלוֹ וְאֶת־מִכְסֵהוּ אֶת־קַרְסוֹ  
וְאֶת־קַרְשָׁיו אֶת־בְּרִיחֹו אֶת־עַמֻּדָיו  
וְאֶת־אֲדָנָיו׃ אֶת־הָאָרֶץ וְאֶת־בְּדִיו אֶת־הַכַּפֹּרֶת וְאֶת־  
פְּרֹכֶת הַמִּסָּךְ׃

אֶת־הַשִּׁלְחָן וְאֶת־בְּדִיו וְאֶת־כָּל־כֵּלָיו וְאֵת לֶחֶם  
הַפָּנִים׃ וְאֶת־מִנְרַת הַמָּאֹר וְאֶת־כִּלְיָהּ וְאֶת־נֹרְתֶיהָ וְאֵת  
שֶׁמֶן הַמָּאֹר׃ וְאֶת־מִזְבַּח הַקְּטֹרֶת וְאֶת־בְּדִיו וְאֵת שֶׁמֶן  
הַמִּשְׁחָה וְאֵת קְטֹרֶת הַסַּמִּים וְאֶת־מִסָּךְ הַפֶּתַח לְפֶתַח  
הַמִּשְׁכָּן׃

אֵת | מִזְבַּח הָעֹלָה וְאֶת־מִכְבַּר הַנְּחֹשֶׁת אֲשֶׁר־לוֹ  
אֶת־בְּדִיו וְאֶת־כָּל־כֵּלָיו אֶת־הַכִּיֹּר וְאֶת־כַּנּוֹ׃ אֵת קַלְעֵי  
הַחֹצֵר אֶת־עַמֻּדָיו וְאֶת־אֲדָנֶיהָ וְאֵת מִסָּךְ שַׁעַר  
הַחֹצֵר׃ אֵת־יְתֹדֹת הַמִּשְׁכָּן וְאֵת־יְתֹדֹת הַחֹצֵר  
וְאֵת־מִיתְרֵיהֶם׃